



Paghahanap sa Araw
Svay Leemeng
Meas SovannaraI





Nakatira si Srey Pov malapit sa isang malaking pabrika ng goma. Ang araw ay tumigil sa pagliwanag malapit sa pabrika.



Pumunta si Srey Pov sa kapitan ng nayon. “Nais kong gumawa ng lumilipad na makina upang mabisita ko ang araw at alamin kung bakit hindi na ito lumiliwanag.”


Ngunit hindi pinakinggan ng kapitan si Srey Pov. “Hindi mo kayang lumipad patungo sa araw. Maliit ka pa! Umuwi ka na lang!”



Pumunta si Srey Pov sa tuktok ng bundok malapit sa bayan at tiningnan ang madidilim na lupain. “Araw!” malakas niyang sigaw. “Magtatagpo rin tayo sa madaling panahon!”




Pagkatapos, patagong pumasok si Srey Pov sa imbakan ng pabrika upang maghanap ng mga materyales na gagamitin niya sa kaniyang sasakyang nakalilipad. Nakakita siya ng turbina, isang kadena, kahoy, at ilang tela.



Pinagsikapan ng husto ni Srey Pov na mabuo ang sasakyang nakalilipad. Natapos na niya at saka hinila ito papunta sa tuktok ng bundok at lumipad. Subalit nawalan ito ng kontrol at bumagsak sa puno.



Hindi isusuko ni Srey Pov ang kaniyang pangarap. Kaya ginawa niya ulit ang sasakyan.




Narinig ng mga taga-nayon ang kaniyang plano at sila ay dumating upang tulungan siya sa kaniyang ikalawang paglipad.

Kahit na ang kapitan ay humanga. “Narito ang damit at helmet upang protektahan ka laban sa init. Ang araw ay sobrang init!”



Ipinadyak ni Srey Pov ang kaniyang sasakyan na tila isang bisikleta upang paganahin ang makina. Napangiti siya at nagsimula na siyang umangat at lampasan ang bundok. "Nakalilipad ako," hiyaw niya.



Naglakbay si Srey Pov hanggang marating ang araw. "Kumusta, Araw!" bati niya. "Bakit hindi ka na sumisikat sa aming nayon?"

"Hinaharang kasi ng maruming hangin ang aking liwanag, " tugon ng araw.

"Ganoon ba. Salamat, Araw. Sasabihin ko ito sa lahat at magtutulong-tulong kami upang malutas ito."

"Maging mapalad sana kayo. Sana ay magkita tayong muli," sigaw ng araw habang

lumilipad na ng pabalik sa mundo si Srey Pov.



Bumalik si Srey Pov sa kaniyang nayon at ibinahagi ang kaniyang nalaman. "Dapat nang matigil ang pagdumi ng hangin dahil sa usok na mula sa pabrika. Kung magtatanim tayo ng maraming puno, makatutulong ito sa paglinis ng hangin."



Hindi nagtagal, sumikat muli ang araw sa nayon ni Srey Pov. Ang bawat isa ay nagpasalamat at ipinagmamalaki si Srey Pov.



Sa ngayon, gumagawa muli si Srey Pov ng panibagong sasakyang lumilipad. Handa na siya sa panibagong paglalakbay.



ABC+: Advancing Basic Education in the Philippines



This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was reviewed by Nora J. Laguda, Education Program Supervisor in Filipino and was approved for publishing by the Department of Education Region V - Bicol Learning Resource Management Section (LRMS) of the Curriculum and Learning Management Division (CLMD).

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Paghahanap sa Araw (*A Quest to Find the Sun*). Author: Svay Leemeng. Illustrator: Meas SovannaraI.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2020. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Helen Advincula, John Torralba, Merly Zambrano, Darwin B. Soria, Lilibeth L. Libreja, Reynald Ocampo, and Remia Quebrar